

# 2014 Num Can Ceu Pa Ting Ceu Son Pa Shiang Mai Carang Pwi Meung Ka Daux Meung Man



- Carang pwi meung daux 2014 num, khix loe 29<sup>th</sup> singaix pon sawm an, mawh bawg yam pa tat son carang pwi meung heue. Carang cie maix tak laig dee ot maix daux bawg yam pa tat son carang pwi meung an heue.
- 2014 num, khix loe 29<sup>th</sup> ngaix pon sawm bawg yam pa tat ti deuh son carang pwi meung an, tak sang teei ka carang can pwi pa koe ka daux meung man khawmuik ang laug ceu pwi, ang laug beenli, ang laug pwi meung, ang laug simex/bon, ang laug ju, tak koh teei uik heue. Pa koh ti teei carang pwi meung an, mawh awm pa yuh ghiiep ngai khaing heue.
- Can pwi teei carang khankix, tak koh ti teei carang ka daux bawg yam 2014 num, khix loe (30) ngaix tom hoek khix pon (18) ngaix, ka can lhang nyiex khankix mai ka cub caw khankix khawuik heue. Phan hoik teei carang pwi mawx, nyiex mawx ang ah, tak sang klieb ti deuh lai grawng pa hoik teei carang kix tan heue. Can lhang nyiex mai cub caw pa ang nyang teei carang kix khankix, tak sang tawx lox krai ka cao giex kaing nyiex yaong an heue. Kix tak khrex ti teei carang an heue. Bawg yam pa koh ti teei carang, mawh pon ngawb (7) taix tom hoek pon bo (6) taix heue.
- Krax pa koh ti teei carang pwi meung in mawh pa rom ti yuh son sang pon ka carang pwi haktiex tom khaw caw heue. Krax pa koh ti teei ka carang pwi meung an, mawh pa koe bwan son son kaing krax yien yawg, mai kaing pa deeh sum haok huan, kaing pa yuh tang daux pa rah see, pa rwad roi ka riang rao cub caw mai son kaing pa khrex rien ti yuh mai pa tiem pawd ka been pa hawt jawh khankix heue. Mawh kheu jao pa rom ti koh teei carang pwi meung an, can ceu pa lo son maix khankix tak sang pon ti tiem ka daux grawng kaing pa sang khrex ti yuh son meung haktiex ex heue.





- Can ceu pa deeh pawk maix ka daux carang pwi meung an, kheu hoik koe been pa deuh son ang sang koe pa lud loe, phan pwi tix kaux krax ang cu ti hawt awm an, nawh tak yaox ti kham ka ceu pa yuh tix awm pa koe been pa deuh son carang pwi meung an heue. Been pa deuh son carang pwi meung pa hoik plak jhi daux 2013 num daux khix aliah an, mawh pa hoik kieh can ceu pa pawk maix khankix ang koe pa lud loe mai sidiang ti deuh kah heue.
- Ang lo ti jhi lai lhang nyiex pex mai lai mhat pong teng pex ka pwi pa hoek ti teei carang pwi meung tix kaux eung mawh pa teei ka daux bawg yam pa tat ti teei ka carang lhang nyiex mai cub caw kawx, carang pwi khankix mai mawh ka pwi pa koe ka daux bawg yam an khaing heue. Viang nawh ang viex daux lai lhang nyiex kawx, phan caw ti koe ka daux nyiex an yam teei carang pwi meung, tak sang koh ti teei carang nawh heue. Lai lhang nyiex mai carang pwi meung ang doh shiang mai paox tix pie ceeix kawx yam teei ka carang pwi meung an, can pwi pa koe ka daux nyiex maix khawmuik an, caw ti deeh pawk khaw caw heue.
- Can carang pa pon teei an ang lai shiao son pa koh keen, son pa giex gang, son pa mhai ti deuh, awm pa mawh carang pa caw ang caw mai ceu pa ang shiang khankix ang mawh son ceu an. Son ang pwi tix kaux kaux sang giex ti teei krax phit maix mai krax pa lheu koh keen kheu pa pawk maix ka daux pwi meung an, been pa deuh son carang pwi meung an hoik sidiang ti deuh heue.
- Simie ti kieh pwi ku kaux tawng son sang pawk khaw caw ka lox chawk carang pwi meung khankix heue. Carang pwi meung mawh pa ang koh teei ka lhang nyiex pa koe uik, can cub caw (Nyiex nyo khankix, nyiex lien khankix, nyiex cawng vad khankix, nyiex pai sidah khankix) mai cub pwi hun khankix (Pa ang koe nyiex ma, can pwi sum nyiex khankix, can pwi yuh kaing hawt rawm klawng khankix) an khawmuik sang koh ti teei carang khawmuik heue. Ka daux bawg yam pa tat ti teei carang pwi meung, tak sang teei ka carang can pwi pa koe ka daux meung man khawmuik heue.

**Son Si Toe:**

[www.dop.gov.mm](http://www.dop.gov.mm)

<http://myanmar.unfpa.org/census>

